

Årsmelding for Naturbruksskolenes forening 2020

Styret 2020:

Leiar: Trond Håvard Bjørnstad, Voss vidaregåande skule

Nestleiar: Anita Karina Sunde, Jønsberg vidaregåande skole

Styremedlemmer:

Stein-Erik Svendsen, Senja vidaregåande skole

Åge Flægstad, Lena-Valle vidaregåande skole

Tone O Mosebø, Stend vidaregåande skule fram til 1.8.2020

Rolf Jøran Forsmo, Mosjøen vidaregåande skole

Vara: Rolf Forsmo, Mosjøen vidaregåande, fram til 1.8.2020.

Etter dette gjekk han inn i styret som erstatning for Tone O Mosebø som gjekk ut av styret og blei dagleg leiar.

Revisor: Trøndelag Fylkeskommune blei gjenvalt som revisor.

Valkomite:

Randi Moen, Senja vidaregåande skole

Torbjørn Litlere, Stend vidaregåande skule

Styret sitt arbeid:

Styret og dagleg leiar er opptatt av å arbeide i tråd med foreninga sitt formål. **Naturbruksskolenes forening (NF) sitt formål er**, via samarbeid, å styrke skolenes utdanningstilbud og identitet, samt å fremme utvikling og kontaktnett i Norge og internasjonalt.

Dette har vore eit år som har vore ulikt alle andre år, og der omsynet til å unngå smitte av korona har styrt aktivitetane, både på skulane og i Naturbruksskolenes forening.

Første halvår var naturleg nok prega av usikkerhet på mange område og det var behov for å fokusere på å få kvardagen på skulane til å bli best mogleg. Sidan vi ikkje lengre kunne møtast fysisk, og sidan vi etter kvart lærte at det er mykje å hente ved å møtast digitalt, har Teams-møte og kontakt via mail blitt ryggrada i NatFor sitt arbeid.

Styret har hatt **9 styremøte**; alle digitale, og vore særleg opptatt av å finne fram til ein best mulig måte å drive foreninga vår på under dei endra rammevilkåra som både foreninga og skulane møter.

Dagleg leiar (i deltidsstilling) førebur saker til styret og står for dagleg drift; vidareutviklar administrative rutinar, arrangerer fagmøte, skriv nyhetsmail, oppdaterer Facebook, samarbeider med eksterne, skriv søknad om Erasmus+ finansiering etc.

Foreninga har skifta dagleg leiar i 2020, og styret ønsker å takke Rita Natvig og Gunn Bratberg for den gode jobben dei har gjort for Naturbruksskolenes forening gjennom mange år!

Desse sakene som har prega styret sitt arbeid i 2020:

- **Elevtal** og innsøking på skulane. Erfaring med ulike typar marknadsføring.
- Korleis kan vi jobbe sammen for å støtte skulane og lærarane i arbeidet med **rekruttering** av elevar og best mulig opplæring?
- Tilsetjing av ny, **dagleg leiar**. Rita Natvig slutta 1.8.2020 og Tone O Mosebø overtok. Ho er ellers lærar og internasjonal koordinator på Stend Vgs, og har tidlegare vore rektor på same skule. Ho er også nasjonal koordinator i EUROPEA Norge (etter Rita), og nestleiar i EUROPEA International sidan 2017.
- Nye læreplaner på vg2 og vg3. **Høringsuttalar**. Kva utfordringar og muligheter gir dei for skulane?
- Organisere **faggruppemøte og faggrupper**. Korleis kan vi bruke Teams mest mogleg effektivt; lære verktøyet sjølv og hjelpe andre i gang? Korleis gi tilgang for medlemmer frå andre fylkeskommunar? Kva møtetema og -tid ønsker skulane? Kva møteform fungerer best? Korleis sikre enkel og ryddig påmelding?
- Korleis legge til rette for best mogleg kommunikasjon og **informasjonsflyt** mellom foreninga og skulane/lærarane? **Nyhetsmail**; form, innhald, for kven? Korleis vil vi bruke **sosiale media/heimesida**?
- **Rekneskap, budsjett**, årsmelding og prioriteringar for komande år
- **Samarbeid** med NMBU og næringsorganisasjonane, NDLA og bokforlag. Kan vi knytte sterkare kontakt med Utdanningsdirektoratet?
- **Samarbeid** mellom «blå» og «grønn» naturbruksdanning. Invitasjon om samarbeid til Fosfor.
- Nytt **Erasmus+** program for 2021-2027 gir svært gode muligheter for internasjonale aktivitetar på skulane, og for første gong kan NatFor søke pengar på vegne av foreninga og medlemsskulane. Korleis kan vi organisere dette på ein måte som er til mest mulig nytte?

Kva arbeider NatFor konkret med?

Her kan du lese om aktivitetane våre knytta opp mot formålet for foreninga vår:

«NatFor skal ...

...representere naturbruksutdanningen overfor myndigheter, næringer, høyskoler og universitet»

NatFor samarbeider med NMBU om etterutdanning og felles fagmøte/fagdidaktiske møte, og vi samarbeider med Norges Bondelag og Norges Bonde- og småbrukarlag om marknadsføring og rekruttering (Adventskalender, marknadsføringspakke, formidling av sommarjobb), fleire lærarar frå skulane er aktive i læreplangrupper i regi av Utdanningsdirektoratet, NatFor har invitert skulane til å sende inn synspunkt på utkasta til læreplanaer, og så har NatFor gitt uttale i høringa, vi sender nyhetsmailen vår til aktuelle samarbeidspartnarar.

«NatFor skal...

...fremme utvikling og kontaktnett i Norge»

Vi ser på dette som ei kjerneoppgåve og oppretter faggrupper innan alle greiner av naturbruk som er representert ved skulane våre. Vi ønsker å gi alle lærarar tilbod om tilhørighet i minst ei relevant faggruppe.

Faggruppene er opne for alle lærarar/leiarar ved skulane og kan møte på Teams så ofte gruppene ønsker og vi finn tid til det.

Hausten 2020 rakk vi å arrangere møte for programfag vg1, vg2 dyrefag/hestefag, internasjonale aktivitetar og rekruttering/marknadsføring. Vi fortset med nye møte i 2021 og prioriterer først og fremst tema og fagområde som de rundt på skulane etterspør. Vi oppfordrar alle til ta kontakt dersom de har ønske for møteforum eller tema, så prioriterer vi å jobbe med dette. Så snart det blir mulig, ønsker vi å supplere med møte og utferder i det verkelege liv.

Vi er også opptatte av å knytte tettare band og etablere nettverk for både «blå» og «grønne» skular og lærarar. Dette fordi vi trur at vi har mykje å lære av kvarandre og vil kunne berike kvarandre både fagleg og pedagogisk. I samanheng med dette ønsker vi konkret å jobbe tettare sammen med dei «blå» skulane sin organisasjon, Fosfor.

Nyhetsmailen som blir sendt ut 1-2 gonger pr måned er hovud- informasjonskanalen vår.

Vi jobbar med å finne ei lett leseleg form, passe omfang, og å prioritere innhald og kven vi bør/kan sende nyhetsmailane til. Så langt går dei til kontaktperson og postmottak på kvar medlemsskule, og til ein del av rektorane. Vi sender også nyhetsmailen til samarbeidsorganisasjonar og til ein del skular som ikkje er medlemmer og vi ser på nyhetsmailen som ein måte å spre informasjon om utdanningsprogrammet vårt, skulane og Naturbruksskolenes forening på.

Gjennom mailen får skular som ikkje er medlemer eit godt bilete av kva vi jobbar med, og kan lettare avgjera om dei vil bli medlemmer.

Skulane og lærarane er sjølvsagt velkommen til å kontakte NatFor ved dagleg leiar og styremedlemmer via mail eller telefon.

«NatFor skal...

...samordne og iverksette felles markedsføring»

Foreninga har ei oppdatert heimeside med lenke til skulane, vi driv ei Facebook-side der vi deler informasjon frå skulane og relevante innlegg frå samarbeidspartnarar, vi har FB-gruppe for dyrefag og hestefag. i januar 2018 hadde vi 756 følgere på Facebook, i desember 2019 var vi oppe i 1300, og nå har vi 1520 følgjarar. Vi legg ut så mange innlegg som vi greier å finne tid til, utan at vi heilt har tal for dette.

Dei 9 nyhetsmailane vi rakk å sende ut i 2020, blei også sendt til samarbeidande organisasjonar. Vi ønsker å utvide kretsen av organisasjonar som får tilsendt nyhetsmailen vår fordi det er ein enkel måte å gjera arbeidet vårt kjent på.

«NatFor skal ...

...samordne og formidle internasjonale kontakter»

NatFor er nå godkjent som konsortiumskoordinator i Erasmus+. Dvs vi kan søke Erasmus+ middel på vegne av medlemsskulane og foreninga for å tilby lærarar studieturar, jobbskygging, kurs etc, elevar å delta i internasjonal yrkeskonkurransen, og hjelpe skular i gang med internasjonalt arbeid.

NatFor utgjør den norske avdelinga av nettverket EUROPEA International (Fleire hundre skular i 25 land) og dagleg leiar er pt nestleiar i styret i EUROPEA International. 2021 er første året vi har mulighet til å ha internasjonale aktivitetar via Erasmus+. Dette vil kreve meir arbeid, men i Erasmus+ ordninga følger det med tilskot til administrativt arbeid som er venta å dekke meirarbeidet (Organizational support).

«NatFor skal ...

...fremme videreutdanning, utvikle læremidler og læremetoder»

Det viktigaste i så måte, er å legge til rette for at vi kan lære av kvarandre og inspirere kvarandre. Dette skjer ma gjennom å møtast i faggrupper og etter kvart bygge tette, utfordrande og støttande Fagnettverk. I tillegg er det sjølvsagt viktig å trekke inn ekspertar som kan gi ny kunnskap. NatFor samarbeider med NMBU, NDLA og Fagbokforlaget. Vi er åpne for andre samarbeidspartnerar innan feltet dersom det er ønskeleg.

«NatFor skal ...

...sikre årlige samlinger/årsmøte for alle videregående skoler med naturbruk»

Frå og med hausten 2020 har vi vektlagt fagsamlingar for lærarane og leiarane våre via Teams. Dette ønsker vi å vidareutvikle, og supplere med samlingar i det verkelege liv så snart vi får det til. NatFor arrangerer årsmøte med tilknytta fagmøte kvart år, ei stor nettverkssamling for alle fagfelt innan naturbruk 2. kvart år (neste gong i november 2021).

Representasjon i andre råd og utvalg

Trond Håvard Bjørnstad sit som observatør i styret for Nasjonalt råd for grønne fagskoler.

Tone Mosebø sit i styret for EUROPEA International, en samarbeidsorganisasjon for naturbruksskoler fra hele Europa. Ho har også representert Naturbruksskolenes forening i (så langt uformelle) møte med NMBU.

Medlemmer

33 skular betalte medlemskap i NatFor i 2020.

Stend 17.3.2021

For styret i Naturbruksskolenes forening;

Tone O Mosebø

Dagleg leiar